

11/11

1034



1034

2

10411

1034
2

Eloquentiæ Historiæque
Civilis
CULTORIBUS

Salutem præfatur,

Eosque

Ad

Recitationes suas publicas privatasque
peramanter & officiose
invitat

JO. BURCHARDUS MAJUS.

Eloqu. & Hist. Prof. P.



Proprietor's Office

COLLIERIES

of the

Reverend the Trustees of the
Collieries

OF BRISTOL

and the



Quod felix faustumque sit, ac
mihi Vobisque, CIVES ACADEMICI,
benè feliciterque evenire jubeat DEUS,
post exactas nundinales ferias, unà cum cæ-
teris Professoribus; ego quoque operas meas
publicas privatasque auspiciari mecum constitui.
Ut enim rerum omnium, ita hujus inprimis, quod
PRINCEPS animò, pietate ac virtutè maximus de-
mandavit mihi, gravis arduique muneris primordia
à DEO capienda sunt, isque à me rogandus ante
omnia, ut & felix auspicium præbeat, & animi cor-
porisque vires largiatur suffecturas laboribus, quos
utilitatis vestræ causâ vel jam suscipio, vel deinceps
etiam suscepturus sum. Cùm verò duæ Professionis
meæ sint partes, quarum alteram *Eloquentia*, alte-
ram *Historia* sibi vindicat; publico hoc scripto in-
dicandum VOBIS duxi, quo modo ac ordine utram-
que traditurus sim, ut constet omnibus, quid vel
nunc, vel in reliquum de Prælectionum mearum
ope-

operis sibi polliceri debeant ii, quibus easdem frequentare visum placitumque fuerit. Ac in *Eloquentia* quidem id operam dabo sedulo, ut præter rerum verborumque copiam, masculam illam nitidamque veterum dicendi scribendique maiestatem meis Auditoribus tradam, monstratis semper fontibus, unde illa potissimum haurienda sit. Quo nomine interpretandos sumemus Scriptores optimos ac præstantissimos, qui in arte hac excellunt, quique cum verbis tum formulis purissimis selectissimisque utuntur, quos inter primas tenent, *Cicero, Livius, Trogus, Nepos, Caesar, Curtius, Suetonius, Sallustius, Plinius junior, Vellejus, Tacitus, Florus*: quorum omnium egregia ingenii monumenta ut nulla vetustas obruet, nulla delebit oblivio; ita ad effingendi styli imitationem *Eloquentiæ Civilis* Cultores ea sibi quam familiarissima reddere, & in succum quasi sanguinemque convertere debent, si quidem de quolibet argumento ad rempubl. pertinente purè, ornatè copioseque differendi facultatem comparare sibi velint. Neque enim illam sine diligenti imitatione veterum, & crebrâ styli exercitatione unquam quisquam, ac ne ipse quidem *Eloquentiæ* princeps, *Tullius*, in lingua Latinâ, sibi alioqui vernacula, consecutus est, ut qui non modo nullam artem sine aliqua exercitatione per-

percipi posse, in quadam ad Trebatium epistolâ, diserte pronunciet; sed Græcos etiam Oratores Historicosque studiosissimè legerit, lectos in Latinum converterit, eosque imitando, passim in scriptis suis jucunditatem Isocratis, suavitatem Xenophontis, copiam Platonis, & vim atque gravitatem Demosthenis summo artificio expresserit; qui & ipse, cùm initio adeò balbus esset, ut hujus suæ, cui studeret, Rhetoricæ artis non posset primam proferre literam, tantùm tamen postea profecit exercitatione assiduâ, ut eò nemo loqueretur planius, nemo diceret gravius. Quoniam verò multum interest nôsse, quâ ætate quilibet Auctor floruerit, ac sequioris ævi scriptores ad primam optimamque semper ætatem, tanquam normam regulamque Latini sermonis, exigendi sunt; idè induxi animum breviter in antecessum publicè differere de Linguae Latinæ origine, incremento, inclinatione atque occasu, nec non viris eruditionis laude famaque eximius, qui ad eandem à barbarie repurgandam pristinoque nitore restituendam, nostra patrumque memoriâ operam studiumque contulerunt. Quo finito opere deliberabimus, quem ex jam laudatis Auctoribus eligamus nobis ducem Eloquentiæ, qui nemini displiceat, sed universis satisfaciat. In *Historiâ* tradendâ primò recenserebo Auctores, unde series ejus di-

discenda ; deinde ostendam, quæ res ad illius lectionem conducant ; quomodo nempe cum fructu legendæ, quemque in vitâ civili ulum habeant historiæ : tum omnium ætatum, omnium gentium nationumque res pace belloque gestas, consilia item eventusque exponam : posthæc rerum publicarum conversiones, incrementa, inclinationes, illustrium familiarum fata ac vices, migrationes gentium, populorumque instituta & leges commemorabo : denique controversias illustres attingam, simulque antiquitates ac monumenta rerum memorabilium addam, faciamque, ut cùm exterorum regnorum, tum nostri inprimis Imperii statum accuratè intelligatis, & unâ historiæ prudentiæque civilis ulum plene cognoscatis. Cùm enim & patriæ & ævi sui res, scire omnium cordatorum fideliumque civium, ignorare verò puerorum sit ; nos præcipuè domesticam, & hujus, quod ad finem jam decurrit, seculi historiam paullò diligentius tractabimus, ne, quod multis accidit, idem & nobis eveniat, ut scilicet in antiquis oculati, in nostris cæci, peregrè domestici, domi peregrini simus. Neque etiam fallendi duntaxat temporis, vel curiositatis pascendæ causa, legemus historias, similes iis, qui putamina tantùm sectantes nucleum negligunt, hærentque in illarum dulcedine, ignari utilitatis.

in

in *notitia Orbis Terrarum Geographica*, in *studio Genealogico*, in *arte Heraldica*, ac *re numaria* operam nostram requirentibus non deerimus, sed manu quasi illos ducemus ad interiores scientiarum harum recessus, omnisque antiquitatis & elegantiae veteris thesauros recludemus atque delicias. Et quoniam *Notitia librorum* pars est historiae, hodieque in tantâ illorum copiâ & varietate summè necessaria; in hac quoque eruditionis parte debitum pollicemur studium, pro captuque nostro fideliter monstrabimus, quid in quolibet Auctore vel laudem vel censuram mereatur, & quænam editiones aliis præferendæ sint. Quâ occasione differendum nobis erit de omni ævi Scriptoribus, veteribus, mediis, recentioribus, genuinis, dubiis, supposititiis, homonymis, pseudonymis, anonymis, editis, ineditis, deperditis, prohibitis, dicendumque, quinam illorum uniuscujusque studiis maximè accommodati sint. Atque id omne faciam more exemploque celeberrimi MORHOFII, cui in munere Eloquentiam Historiamque docendi sumæ clementiæ PRINCEPS AC DOMINUS, DOMINUS CHRISTIANUS ALBERTUS, DUX SLESWICI, HOLSATIÆ, STORMARIÆ & DITHMARSÆ, Illustris Academiae hujus Conditor ac Conservator benignissimus, succedere

dere me voluit. Et si enim, quod fateor ingenuè,
tantum in me ingenii doctrinæque non sit, ut aliqua
saltem parte æquari conferrique possim cum virò in-
comparabili, & multo rerum usu exercitatissimo:
tamen pro mea virili ejus insistam vestigiis, & quic-
quid ab aliis audiendo vel legendo didici, quicquid
seruo inter arcana, quicquid etiam multis ma-
gnisque laboribus atque impensis mihi constitit, Vo-
biscum tam liberaliter, quàm fideliter communicabo,
ut intelligatis, me honori pariter commodisque ve-
stris verè & ex animo velle consulere. Ut enim pu-
blica hæc mea est professio: ita in commune etiam
prodesse cupio omnibus, verum litterarum melio-
rum fructum quærentibus. Vestrum erit, AUDI-
TORES COMMILITONESQUE OPTIMI,
mihi, hora loquæ ex hac tabulâ propediem signifi-
cando, recitaturò in posterum frequenter adesse,
meumque Vobis interveniendi studium studio vestro
excitare, excitatumque affectu singulari alere atque
fovere. Ita valete, & ad veram solidamque glo-
riam mecum contendite. DEUS vos servet, decus-
que addat, & omne, quod Vobis salutique vestræ
profuturum est, benignissimè impertiatur! P.P. Kilix
Dominica V. post Epiphan. Anno clc lxc XCIII.



MC

